



TOSHKENT DAVLAT YURIDIK UNIVERSITETI REKTORINING B U Y R U G ' I

12.06.2023

94-um-son

Toshkent davlat yuridik universiteti talabalari hamda TDYU qoshidagi M.S.Vosiqova nomidagi akademik litsey o'quvchilariga Akademik Xadicha Sulaymonova nomidagi stipendiya ajratish to'g'risida

Toshkent davlat yuridik universiteti rektorining 2023-yil 12-yanvardagi "O'zbekistonda xizmat ko'rsatgan fan arbobi, akademik Xadicha Sulaymonovaning 110 yillik yubileyini munosib kutib olish va o'tkazish to'g'risida"gi 13-um-son buyrug'ida belgilangan vazifalar ijrosini ta'minlash, yurisprudensiya sohasida yorqin nomga ega bo'lgan birinchi olima ayol, O'zbekistonda xizmat ko'rsatgan fan arbobi, akademik Xadicha Sulaymonovaning ibratli hayot yo'li, huquqshunoslik sohasidagi mashaqqatli mehnati, boy ilmiy-amaliy merosini xalqimizga va jamoatchilikka yetkazish, faoliyatlarini keng targ'ib qilish, munosib xurmat ko'rsatish borasida faollik ko'rsatib kelayotgan talaba va o'quvchilarni munosib rag'batlantirish, faolliklarini qo'llab-quvvatlash, huquqshunoslik kasbini tanlagan yoshlarda milliy yuridik ta'limga, Ona vatanga bo'lgan muhabbat, faxr hamda iftixor tuyg'usini yanada oshirish, daxldorlik tuyg'ularini shakllantirish hamda Toshkent davlat yuridik universiteti talabalari, akademik litsey o'quvchilariga Xadicha Sulaymonova nomidagi maxsus stipendiya ajratish bo'yicha Komissiya yig'ilishining 2023-yil 31-maydagi 1-son yig'ilish bayoniga muvofiq,

BUYURAMAN:

1. Toshkent davlat yuridik universiteti (bundan buyon matnda – universitet) talabalari, TDYU qoshidagi M.S.Vosiqova nomidagi akademik litsey (bundan buyon matnda – akademik litsey) o'quvchilariga Xadicha Sulaymonova nomidagi maxsus stipendiya ajratish bo'yicha Komissiya (bundan buyon matnda – komissiya) yig'ilishining 2023-yil 31-maydagi 1-son yig'ilish bayoni ma'lumot va ijro uchun qabul qilinsin.

2. Xadicha Sulaymonova nomidagi maxsus stipendiya ajratish bo'yicha 2 bosqichda o'tkazilgan tanlovda 100 dan ortiq talaba va o'quvchilar ishtirok etganligi, nomzodlar tomonidan amalga oshirilgan ishlar komissiyasi tomonidan

belgilangan tartib asosida ko'rib chiqilganligi hamda nomzodlar orasidan universitetning 3 nafar talabasini va akademik litseyning 1 nafar o'quvchisini maxsus stipendiya bilan taqdirlash uchun tavsiya etilganligi inobatga olinsin.

3. 2022/2023-o'quv yili uchun universitetning quyidagi talabalari Xadicha Sulaymonova nomidagi stipendiya bilan taqdirlansin:

Qodirova Sevara Zoirjon qizi – Ommaviy huquq fakulteti 2-kurs talabasi;

Eraliyeva Malika Tohir qizi – Ommaviy huquq fakulteti 3-kurs talabasi;

Dadajonova Begim Shavkatjon qizi – Xalqaro huquq va qiyosiy huquqshunoslik fakulteti 3-kurs talabasi.

4. 2022/2023-o'quv yili uchun akademik litseyning 1-kurs o'quvchisi **Mamasoliyev Saidakmal Saidakbar o'g'li** Xadicha Sulaymonova nomidagi stipendiya bilan taqdirlansin.

5. Stipendiyani qo'lga kiritgan talaba va o'quvchilarga 2023/2024-o'quv yili (sentyabr–iyun oylari) davomida bir marta belgilanadigan miqdorga qat'iy rioya qilgan holda quyidagi tartibda stipendiya tayinlansin hamda oyma-oy to'lab borilsin:

universitet talabalari uchun oliy ta'lim muassasalari talabalariga belgilangan bazaviy stipendiyaning bir yarim baravari miqdorida;

akademik litsey o'quvchisi uchun oliy ta'lim muassasalari talabalariga belgilangan bazaviy stipendiya miqdorida.

6. Buxgalteriya (M.Parpiyev) stipendiyani qo'lga kiritgan universitet talabalari va akademik litsey o'quvchisiga belgilangan miqdordagi stipendiya to'lovlarini universitetning budjetdan tashqari mablag'lari hisobidan o'rnatilgan tartibda to'lab berilishini ta'minlasin.

7. Ma'naviyat va ma'rifat markazi (Sh.Po'lotov):

stipendiya bilan taqdirlangan talabalarga stipendiya guvohnomasini tantanali vaziyatlarda taqdim etish choralari ko'rsin;

fakultet dekanlari bilan birgalikda stipendiyani qo'lga kiritish tartibi va uning ahamiyatini talabalar orasida keng targ'ib qilish orqali unda ishtirok etadiganlar sonini oshirish choralari ko'rsin;

Jamoatchilik va OAVlari bo'limi (J.Haydarov) bilan birgalikda maxsus stipendiya bilan taqdirlangan talabalar to'g'risidagi ma'lumotlarni universitet Internetdagi saytiga joylashtirish hamda ijtimoiy tarmoqlardagi sahifalari orqali keng targ'ib qilish choralari ko'rsin.

8. Ushbu buyruq ijrosini nazorat qilishni birinchi prorektor A.Xashimhonov hamda prorektor A.Iminov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Bo‘lim boshlig‘i

S.MAMANAZAROV



Katta yuriskonsult

A.TURSUNOV

